



Argentinien und Chile 2014 - Buenos Aires – Punta Arenas

Wir schreiben den 1. März, Los Antiguos

Was bisher geschah:

Ou ou i bin chli zombi mässig unterwegs 3h schlaf sind ebä nüt, aber bi pünktli am Busbahnhof. Ja so en Schuelabschluss mue doch gfiired si ☺. TONY-Tour bringt mich mit Sitz 180° klappbar nach **Mar del Plata**. Flach-flach flach. Nach ~400km nonstop.. Dachte ich liege da an den Strand... no way z.t. kann man nicht mal durchlaufen Wahnsinn und sowas nennt sich Erholung? Es ist voll Sommertourismus – CranCanaria like aber 10x vereckter. Preise sind hoch, zum Glück nur 1 Nacht da. Ich breche auf Richtung Hafen. Es ist 11uhr und 1000sende von Leuten pilgern Richtung Strand. Ganz extrem fällt die MATE-Kultur auf. Es gibt Automaten für Heisswasser und alle haben eine Thermoskanne in der Hand. Hafen-Attraktion: Seehunde oder Seelöwen sonnen sich vor Publikum. Fischer entladen ihren Fang. Traktor und Kran hielt ich für Oltimer-Museum aber die sind noch in Betrieb! ☺. Pünktlich fährt Car DON OTTO ab. Zu meiner Verwunderung und Freude gibt's warmes Znacht & Film bis 24Uhr. Buenos Dias! Es fängt an zu regnen..wir rollen aus...?! Fertig Motor. ...nach 50l Diesel und 3 Fehlversuche beim Start.. geht's nach 2h weiter ☺ aber nöd lang und mir müend dä Car wächsle. Nach 16h simmer am Ziel: **Puerto Madryn**

Es isch nöd warm und windig. Da das Wetter/Wind auf Mittwoch schlecht ist schreibe ich mich zum Tauchen mit Seehunden ein. Hinter der Stadt: Desert- nada – nix wie schon auf der Hinfahrt bemerkt. Leider wird der Tauchgang gecancelt da die See zu raff, Sicht will be to bad.. Leider keine Wetterbesserung bis Sa in Sicht, extrem schade!! Ich miete ein Bike und fahre zum Punto Fecha. Puaa! Gegenwind und die Schotterstrasse sandig und z.T. sehr weich. Der Staub der vorbei fahrenden Autos.. egal. Die Anstrengung wurde mit schöner Aussicht belohnt aber ohne Wale ect. Zurück an einer interessanten Kreuzung: - wie im wilden Westen geht's da kreuz und quer und keiner drängelt; da könnten wir noch was lernen - Morgenessen um 7.30, um 8Uhr solls ja losgehen nach Peninsula Valdés, Naturreservat. Mit dem Kleinbus spulen wir 400km ab. Unglaubliche Weiten beeindruckten mich immer wieder. Punta del Norte endlich erreicht, ah ja zwischendurch gabs noch Kaffe, zum Glück, am morgen gabs keinen! Die Seehunde sind weit weg aber das Meer mit Pool und Riff, sehr schön! Anschl. Noch paar Pinguine. Die 2 Jungs Pablo und David ☺ bringen uns zurück nach Puerto Madryn. Nebst Fisch und Tourismus gibt's hier Alu-Industrie. Paradoxer weise wird hier Aluminiumoxyd aus Brasilien angeliefert. Der Strom zur Alugewinnung wird 750km weit hier hin transportiert. Hü tisch Reisetag aber s'geht ja no soo lang...22.30, und glich mueni packe. Es git max. 6.5h schlaf, das wird hart...hoffe um 4.30 gits dä es Ticket für d' Wiiterfahrt ..!

Uf all fällt isch es 4.45 wo mir a chömed. Es isch en Geisterbahnhof bis uf eis Büro wo Liecht hät und jawohl, det gits es Ticket. Prima! 5.30 gahts wiiter. Nach über 400km und 7h simmer am Ziel. Durchs Land der Ölpumpen... und sus nöd vill. **Los Antiguos** bi genialstem Wetter, inerä super tollä Landschaft. Uf guet Glück is vor googelte Hotel, 2.5km Fussmarsch. Juhee es het es Zimmer, nöd mal tüür, leider nur ei Nacht dä bi wäri Bike, Kayak, Tennis und so alles da und debi... Ich hoffe uf Morn vielleicht kann i upgrade. Der See, Lago Buenos Aires lädt zum Bade isch aber geschätzt 19° brr mit dem Wind vielleicht doch chli kalt haha. PS: Mär seit sich Grüezi +- uf dä Strass. Mit upgrade isch leider nüt aber s'Bike kann ich benutze und so wird die Gägend unter d'Rädli gno. Super oder? Dä Mehrpriis lohnt sich so uf alli fällt. Werbige: Hosteria Patagonia :-). Guet: zerscht Pumpä, Bremse richtä, Sattel iistellä mit Stein und zwüschet durä dä Ramä tängelä well Kurble streift, wells Trättlager en halbe



Argentinien und Chile 2014 - Buenos Aires – Punta Arenas

Meter Spiel hät, haha. Nach 3mal uf und abstigä merki das da ja am Sattel no e Schruubä vorstaat, Godfried-Stutz! Guet hämmer es Armeemesser und dä Sattel wird behandelt! Hose und Sack sei Dank. Nachtrag zu Los Antiguos „Die Alten“: Geschütz zwischen Bäumen hat es kleine Obstplantangen. Bewässerung über Kanalsystem mit Schieber. L.A. auch sehr zu empfehlen auch für Angeln, Surfen, Kayak. Camping. Chilenische Grenze – Chile Chico ~5km
So: i warte uf dä Bus nach el Calafate, i dä Bergä. Bis dann....

Es gaht wiiter:

Nach knapp 14h fahrt(~850km!) und x Stund im Schüttelbächer – Schotterstrasse- und 1xHalt, 1/2h well dä Chauffeur au hät wellä Zmittag näh, chum i in **el Calafate** aa. Es isch en „normale“ Car gsi und es isch chli streng gsi! Es isch schön Wätter bzw. dä Sternhimmel isch au da, nu bin i chli zmüed und Sternbilder uf dä Südhalbchuglä..- känn ich nid. Ah ja uf dä leschtä 3h – simmer no zweitä und dä Chauffeur wechselt im weissen Hemd und Kravatte, amänä Touri am Jeep, no gschnälls Rad. Na ja uf die 1/4h chunnt’s au nümmer drufa aa. 1h verspötig. Vo dä Landschaft han ich meh erwartet, meist Steppe- Wüstenmässig weit und breit nix los und leicht hügelig. PS: Hütt sind Polizischtä ganz scharf gsi und fasch alli ussert ich händ müesse dä Pass zeigä. En 30er “Strubli“ händ’s sogar 2x gfilzt.. da cha mir ja nümmer passierä..grins. 03.03.14 Erfolgrich buechi i d’Fähre wo mich in 4Tag entlag dä chilenischä Küstä nach Puerto Montt bring! Am 11.3.14 16.00Uhr sötts los gah, juppi! En witerä Höhepunkt isch gfixt, ich freu mi extrem! Ja es fahrt nur 1x pro Woche drum muen mi entscheidä und s’Programm halt chli durä dankä und straffe. I blib au en Tag länger da in Calafate, defür mach i nur en Tagesusflug uf **el Chaltén** – Zermatt-2. Also Calafate isch chli wie Zermatt – Touri-Ort, tüür und Heimatstadt vo dä Präsidentin. D’Lüüt sind alli sehr unfreundlich! Guetnacht am Sächsi. Alli Touris völlig overdressed mit Marken-Bergartikel wo wahrschinlich us eigener Kraft no nie über 2000 Meter gsi sind. Na ja ebä wie in Zermatt ☺. Mir gfallts gar nid, trotzdem: Perito Moreno Gletscher small Touri-Tour. Au s’Büssli isch small und die 80km sehr unschön.. Dä Gletscher uf dä erschti Blick chli ernüchternd, känne ja das scho vo Alaska. Uf dä 2ti Blick ok, vorallem sehr aktiv. Aus dem Wiki isch er: dä gröschti vo dä südlichä Anden. 30km lang, Front 50-70m hoch und die Zungenfront knapp 5km lang. Er bewegte sich ~765m /Jahr -> ~2m/Tag. Es isch 16.59 es fehlen no drü Lüüt, dä Chauffeur isch genervt, will abfahren. Als ich in frage was denn für Zeit isch sagt er 17Uhr.. Ich bin nöd zfridä und heifahre tuet er wie en Idiot. Druff und dra mich mit ihm azlegä- dä Schafs.. dankt nur an Fiiröbig! Hät def. dä falschi Job... Neuer Tag: Wandertag zerscht 3h Bus nach el Chaltén. Es isch windig, nöd all zu warm und Bewölkt..hmm Ich gahn uf die 2x3h Wanderig und i 7h sött i wider zrugg sii. Ich gib vollgas und nach 2h han i chli agschlage mis Ziel erreicht. Lago Torre mit Eisbrocken vom Gletscher. Ich nimm einä mit ach und krach usä und schnid mich no..grr. ½ h Mittagpause, da mue lange. Ich eile zurück. Irgendwann schleiche in der kollone dahin nach 5-10min chan ich attackierä und weg sinds. Ou ou es zieht sich.. nach witerä guetä 2h bin ich zrugg. Chli sport muen ab und zu sii. I bi chli kaputt- doch Morn isch ja nur 8-9h Bus uf em Programm- CHILE ich komme.

Fazit: Vo El Chaltén häts min 4 eifachi Wanderigä 2-10h. Mer chan au zeltä im Park an verschiedenä Stellä, oder grossi Hochgebirgstouren machä. Dorf isch chli aber chli autentischer als Calafate. Calafate ist nur für Perito Moreno – oder Flughafen zu benutzen. 2Tag reichen da locker.



Argentinien und Chile 2014 - Buenos Aires – Punta Arenas

Mi 5.03.14 Die 2 Cars sind plätsch vollä und 220 Peso isch nid vill. Es ghat uf dä Wäg. Also uusreisä us Argentinien gaht fasch solang wie, s iireisä. Chile iireisä au! Alles Gepäck usem Car und dur dä Rön-gomat.. Nach 6.5h simmer in Puerto Natales (CL). Staht grad en Car parat wo wiiter gaht. Nomol guet 3h uf Punta Arenas. **Punta Arenas** Sunne und scho fach chli warm. Chli übermüetig ziehn ich die kurzä Hosä a...brr es isch wider bewölkt und etzt fangts no a tröpfle. OK nach 3,5 Wuchä chan i glaub die kurze Hose def. mal chli wäg tue. Völlig neu isch d'Wärig. Ich rächne mal durch 500 um öppä en idee überzcho. Ziit lauft und so han ich min südlichschtä Punkt scho erreicht.

Im nöschtä Bricht ghats dä richtig Nordä.

Roland